

# Patrie dal Friûl

DIREZION E MINISTRAZION: UDIN, Contrade di Prampar, 10  
Telefôn 2618 — Gurizze, Vie Crispi, 2 — Telefôn 187



ASSOCIAZION AL SFUEI: par un an, in ITALIE 1000 francs;  
tûr d'ITALIE 1800 - C. C. P. 9/13531 intestât a «PATRIE DAL FRIOL»

## Il "ciamp dal ueli,"

È je une maniere come un'altre di voltâ par furlan il non dal munizip di Rome: il «Campidoglio». El se la interpretazion no va ben daûr de lîdri latine, e va benon di un'altre bande. I nemai tun cjampl di ueli, di cheste stagion, a' fâsin flaste; o lis direzions dal partiz talians a' viodin il «sacratissim» cucl di Rome, ch'al ten su pe schene l'altâr di Patrie, come un cjampl di ueli, plen di bon posson.

Di ce ch'al è capitat a Rome, daûr i scura dal balcon, ches' dîs pussâz, a' jan fevelonât duc' i sfueis; i granz setemanz a' jan impegnâz i lôr pluî bris penai a spîl cemût ch'a son ladis lis robis, a punci i schizament di sotvie. Nancje di dîku, ognidun la conte a so mût: provait a lei l'«Europeo», il «Mondo», «Tempo», «Settegiorni» e vie indenant. Nol è il cûs di crodi una peraula a nissun; nol è nancje il cûs di crodi a ce che nus puedin contâ ches' ch'a vegnin di là a ch'a fâsin mostre di jessi dentri tai suciez de pulitiche.

Una soie robe 'e je clare: che tratansi di un «cjampl di ueli» duc' i partiz — di zampe, di gjestre e di mîz — a' son pronz e disponûz a meti te sachete dutis lis lôr idealitâz, dutis lis «rivendicazions» duc' i prinzipls programatics. Chel di zampe a' fâsin un lôr lûton butant in tune soie cite rati, erberave, patatis e artiscjocs, cu la crodie di Nitî par cuinze. Chel di mîz, seial parvie di une tremende abigile, seial par ordin dal gnûf caporion Gedda, si mosterin rassegnâz a fâ leghe cun monarchies e cun fassisc, in barbe al sorestant Degasperî, in barbe 'e democrazie e in barbe 'e costituzion repubblicane; e par salvâ la muse, a' sbûrtin indenant il vîel Sturzo: un omp che, quan'ch'al sune pal timp, nissun democristian lu scoite.

La leghe de urâs cul manarin 'e je lade strucje par cheste volte. Ma la manovre 'e varus di bastâ a viarz i voi aneje ai uarps. Se chest an, par tignî dîr il «cjampl dal ueli» o par cjapâlu, 'o vin viodûs comêdîs di cheste fate, ce no si puedin spietâsi par chest an en ven, ce si tratarâ, no dome di un cjampl, ma di dute la braide? Ce credit puedino meretâsi lis peraulis grandis ch'a colin jû dai pufûi tai comizis, ch'a implemî i murs tai manifest, ch'a sturnissin la int su lis colonis dai gjornai?

E noatris furlans, ch'o lûm indenant sperant te cussienze dai sorestant e dai representanz, ce pês podino crodi ch'a vebin i nestrîs interes e lis nestrîs dibisugnis, in tun combatiment implantât in cheste forme?

E i autonomisc' de nestre e di chês altris regjons, ce puedino spietâsi di bon in tune nazion indûlâ che no si viôt e no si cjale nuie di là dal ueli o dal trafai e de jarbespagne?

**Furlans, tignin dîr**

## «STILE LITTORIO»

### La caravane dai prejudizis cuintri l'Italie

Za timp la Radio di Stuttgart (Württemberg) 'e à fat un «referendum» tra i siei abonâz par savê ce pinsirs ch'a vevin sul cont da l'Italie «dai talians». Lis rispuestis, daûr ch'a cûtin i nestrîs sfueis, a' son stadis la plui part impeveradis: l'Italie — a' disevin — 'e à, in qualche sît, hielis viodûs, un grum di robe artistiche, di antigais, di glesiis, di palaz; ma i talians no si pû sapuartâ: sunsuns, malacresanzâs, spores, faris, serjeme-rindis, indisciplinâz, tabajoz, comedians e vie indenant. (A di la veretât, ches' a' son cumpliment che i stes talians si fâsin dispen un cul altrî: e, se s'oi fâsin lôr...) Cuiardis radioabonâz, che a' mandarin lis rispuestis pluî ben imbastidîs e motivadis, a' son stâz premiâz cu tun viâz di quindis di in Italie, spesâz di dut, par cont di Radio-Stuttgart. Al ven a stâi che ches' cuiardis a' varvissin di vignî a viodi cemût ch'e je chenti, par riezodisi e delibe-

râsi dai lôr prejudizis cuintri dai talians. La caravane 'e je rivade a Meran ai 17 di avrîl. Si pû crodi che lis autoritâz e lis aziendis turisticis a' varan fat di dut par judâ cheste int a mudâ im-pinion: la varan tratade cu lis manezis zalis, la varan menade atôr a viodi lis marceis de peni-sule, a visitâ i lûcs pluî inome-nâz e pluî lussuôs, a' varan cirût di tignî lontane la ratatuje dai scugniz, dai cerandui, dai sbor-sarui. E cumò a' publicaran sui gjornai che i «cuiardis dai pre-judizis» si son duc' convertiz e a' son turnâz a cjase plens di mar-çee e di amirazon par ches pais privilegîât, par cheste int ch'e je mûr dai agui dal para-dis. Ma cui sa s'a saran rivâz adore di siarâ i voi in tanc' sîz, dula ch'e je rivade la rivitât meridionâl e dula che, par consequenze, lis stradis a' son plens di scovazzis, lis piazzis plenis di cause cragnose, malinest, e sfazzade, e i balcon plens di sbrendoi a sujâ?

## INDUSTRIE SARASINE

### Scuviarte la strade dai stupefaccenz

La Interpol 'e je daûr a rin-curâ un biel trop di galanzomign — la plui part sicilians — che in timp di tre agn a' son rivâz adore di meti in cirelazon dome setante quindis di stupefaccenz. Al è un biel piezzut che si lei sui gjornai qualche notiziute sul cont di chesistis ativitâz; ma la tribu-tarie taliane 'e à simpri crodût che si tratâs di materai vignût di furvie — da l'Anstrie o de Ju-goslavie — e destinât a l'Amê-riche. La polizie mericane, a faur-z di sentonâ, 'e à oblet la fi-nanze di culi a viarz i voi. E cussî al è stât scuviart il cjave-z: la eroine, la codeine e altris pol-varvâ di chê fate a' jessivin des fabrichis taliansis, cun tant di bo-lete regolâr par cont di dutis ta-lians; e dopo i «coparis» a' pen-savin a fâlis rivâ in Americhe cun dutis lis furbaris che lôr a' cognossin. I ospedai e lis spe-ziaris taliansis a' dôprin, in dut, mancul di dis chilos ad an di che-stis droghis che a' carestin ba-stât par setante agn. Sicilians sparnizzâs pa l'Italie e Sicilians emigrâz in Americhe a' jerin in leghe par mandâ indenant la ha-rache. Un chilo di eroine 'e vi-gnive pajade in fabriche un cinc-centmil francs al chilo; puarta-de in Sicilie, di dula ch'e par-tive pa l'Amêriche, 'e valeve za sietecentmil: tai Stâz Uniz 'e vi-gnive vendude a quatrî o cinc mi-lions al chilo; messedade tun trente «corante parz di sacar e bicarbonâz», 'e rindeve ai tra-ficenz dai quindis ai vînc' millions di francs al chilo, in monede ta-liane. Se qualcheidun dai «copa-ris» in Italie al ven cjetât sul fat, al pû cjapâ fin a tre agn di preson: une cagnere a diferen-ze dai Stâz Uniz, indula ch'al pû

restâ al frese aneje par rotante agn. La polizie mericane 'e etôt che in chesistis trafic al vebi man il famos Lucky Luciano che, dopo di vînt fatis tan'che Bertoldo, al vîf in Italie cence nissun disturp. Chel altris «coparis» si clamin Francesco Callace, Cristofaro Ca-ruso, Frank Callaci, Giuseppe Pi-cci, Francesco Paolo Coppola, Sal-vatore Vitale, Serafino Mancuso e vie indenant. La scuviarte di un baûl fat di breis zondaris, im-plenadis di eroine, 'e je stade fa-te tes mans di Mancuso, 'e na-zion di Alcamo in Sicilie.

## RUMIADIS

### Partî Gumist

«Cui ch'al è bû che ju prestî al Partî Gumist talian ch'al à la sô centrâl provisorie a Termini Imerese (Palerm), vie Spuches, 19. Ance se chesistis partî al s'cjate in Basse Ita-lie al conven imprestâz bû parvie che al pajârâ a cui che ju prestî l'interes dal 5%. E al pajârâ i debîs apene ch'al varâ la majoranze e al podarâ fâ pajâ la Nazione lis spesis fatis tal interes de majoranze.

Cui che nel etôt di tornâ a viodi palanchis mandâts a Termini Imerese (Palerm) al à di savê che il Partî Gumist nol è un partî que-lanche parçê che la peraula «Gu-mist» 'e ven de «G.U.M.», ai ven a jessi «Gurâr Unîc Mondîal», co-me ch'al spieghê il prin manifest propogandistic dal Partî Gumist. Nol è nome il M.S.I. in Italie!

### Russie e Italie

«Tra lis peraulis di ordin dal Co-mitât Centrâl dal partî comunis bolacetic burât fûr in ocasion dal 1. di mai o no? ans ch'o metin cûn sùbit in talian parçê ch'o sin con-tenz di mostrâ che la civiltât taliane uficiâl — ai ven a jessi chê cûi pluî al: canelons di Rome e dai lûr cja-wuz di cul — 'e je rivade fintremai tal Kremlin di Mosce: «Viva le trap-

## Dome i furlans no son martars

Lis votazions de Basse Italie a' puedin puartâ un pûc di ben ai tas-sarûi e un pûc di mâl a nô di cassô. Zaromai aneje chei de Basse a' pra-tidin di jessi martars come i ju-lians e come i fassisc'. E la lote ele-torâl iajâ si presente come une do-mande di mîz finanziaris par fron-tâ lis esigjenzis di chê int e come une mostre di patriotisim: il flirt tra Democrazie Cristiane e MSI e monarchies 'e je une manifestazion di chesistis votazions e chesistis flirt al mostro quale impurtanze ch'al è ri-vât a vî il Fassin talian che, fevelant di Patrie e di «prestigio», al obîde il grant partidon democristian a mostrâsi patriotic al mût e cul atî dal fassisc'. E cussî si sintin peraulis ch'a vegnin pronunziadis ane-je da democrazies come Degasperî — ch'a son une risibilitazion dal Fas-siscin, aneje se, a studiâs ben, no puedin comprumeti. Ma il populut nol studie ben e co al sint a di che in Italie al è puest par un front nazional cu tune «avanguardia di ardimento e di baldanza», ce ajai di pensâ?

Al è un brut segno co si sint a ferevâ di fronz nazionâi, ma l'cardi-mento 'e massime la «baldanza» a' fâsin subit pensâ ai stival e ai pognâi dai comandanz de MVSN a dai balîfz.

Si cagis che i fronz nazionâi de «baldanza» a' nassin dome da une pore une vote grande: la pore dai comunis. Tes ultimis votazions i «co-munisc» no han piardût nancje un vôt e inventî la D. C. a'ndâ piardêz une vote. La D. C., pendolant oi ca è di là, no podarâ pluî tornâ a vî la fuarze dal 18 di avrîl e cun di pluî jessit al gaviar, si è frujadê i comunis a' san che no pû fâ fur-tune fevelant dome di libertât e di civiltât cristiane e si son metût a di che no à tratât ben a palanchis la Basse Italie. Impensins i fassisc'! A' jan cîapât la robe subit de lôr bande metit in mostre i meris pa-trioticis di chê popolazion, e Degasperî al à scugnût metisi a ferevâ dal ben ch'e à fâ la D. C. pe Basse Ita-lie, tros miliâr ch'e à spindîz, tro-pis spesis ch'a son programadis; e a' a' scugnût aneje metisi a regulâ cjamps ai contadins di ventijâ.

Cussî lis votazions de Basse Italie a' starvin come a rinfusâr i par-tiz fassisc' e a fâ spindî ai contri-buentz di cassô aneje qualche mi-liâr di meti te «Cassa del Merzogiog-no» i bassarûi a' son cussî patrioticis

che al è impossibil dîneûr alc, mas-sime co si pense che fin cumò a' son stâz tratât cussî mâl dai gu-viars di Rome che dute la Basse Ita-lie si è cjatade in tune cundizion di martueri. Al ven a jessi che tra chei e chealtris in Italie 'o vin tanc' mar-tars che, par puartâ un poeje di ju-stizie, i furlans a puedin dome cjapâ-si sù e la pal mont e, almancul, tirâsi in bande e lassâ puest.

Une volte 'e lave cussî e cumò...

## Consultazions eleorâls tal «Biel Pais»

A' disarân ch'al è cuintrinaziona-l, ma al è vîr che Ferruccio Pa-ri, tal '45, al à dit che in Italie no je mai esistude une democrazie.

Tes votazions dal 1867 il sore-stant Ricasoli al intervign senza compliment cuintri di duc' chei che no pensavin compagn di lui e tes votazions dal 1874 a' forin une vote di protestis «di camoris; in chê volte in dute l'Italie a' jerin inscriz nome un 500.000 eletôrs e a' bastavin nû 250 di lôr par man-dâ a Rome un deputât. Cussî al bastave che il prefet al inscrives e al mandas a votâ i siei impiegâz.

Des votazions dal 1892 i storicis a' disîn che «le violenze e i brogli protetti o promossi dai funzionari governativi raggiunsero altezze senza precedenti». Tal 1895 idem, e al riarde lis votazions di chel an il document dal gjenerâl Mirri. Comissari gjenerâl di P. S. pe Si-cilie, ch'al domandâ al Procuradôr Gjenerâl Venturini la libertât di un caporion de mafie, assassin, par-cê che i coventave par fâ vinzi un candidât. Tal 1897 Turati al prote-stâ cuintri «l'abbondante uso di intimidazioni, violenze, strappi alla legge, pressioni di vario genere, il nuovo invito a domicilio coatto di coatti politici già condizionalmente liberati e molesti a questo o quel candidato ministeriale, il tollerare, se non anche ingaggiare, come in qualche luogo avvenne, la organiza-zione di vere bande di pregiudicati, di veri bravi elettorali, dirette a violare la libertà dell'urna».

Cumò lis cjossis no son cussî, ma in Italie 'o vin aneje i prefet e i fassisc'. Tal an 1932. E chei che vegnin a dîns che nô no sin stâz bogu dopo siet agn di... democra-zie di otigni l'autonomie ch'a pen-sin che nol è lafê fazi e che si suen scombatti aneje une vote par vinzi la prepotenze dai fassisc' e di cui che ju ten-sù, la camore, la falsetât de lôr retoriche patrio-tiche, l'ignoranze dal popul.

Ma 'e jere veramentri une man-cjanze che si sintivile fuart in Ita-lie? Cumò chesistis ufizi al tornâr a studiâ la forme e il colôr dai golez di vîlût, la qualitât e lis misuris dei cordons e dai filistrins, la densitât e la largheze des indoraduris dai di-viars grâz. E si fassarân valî prop-uestis pes munthris serâls ch'a co-ventin pal decoro dai ufizial. Robis seriis, massime pe categorie dai fur-nidôrs. E po Marte, cence plumis, cordons, filistrins, grâz indorâz, sti-vâi, fiocs, laminin, nastros, curdelis, fiubis e stelis, ce considerazion po-daressial vî cull se nol rive adore di lusi come un'altri soreli tal Pais dal Soreli?

L'«Ufficio Mode» al è finalmentri resurât, ma al coventares un'altri u-fizi par studiâ la bielezze dai ma-niz dai pugnâ e des spadis che une volte si tignive in cunsiderazion; e, jessint cumò altris armis, al sarsen une vote interessant indarintâ i ca-nons e decorâ i cjârs armaz cun a-quilis e cun altris simbul ch'a disîn al mont intîr la nestre potenze.

**E. P. T. U.** Via Carducci  
ENTE PROVINCIALE TURISMO UDINE

**FRIUL**  
«Piccolo compendio dell'Universo»  
Ippolito Nievo



# Ce vitis a vivi!

Cui sa mai se, d'in ch'è volte ch'o soi stât in tribunâl, qualchidun al s'impense ancjemò di me?

— Ognidun tal so puest, Pieri; e tû tu stâs benon al dentri! — cussì 'e pense dute la int di sest, dal predi al cjaliâr, dal buteghîr 'e comarute.

Scalogne no je a inzopedâsi in tun displasê o in dîs o in cent; ma a nassi cul distîn ledrôs e restâ cussì par dute la vite: ch'è sî, ch'è je vere scalogne.

E la int a dîmi:

— Ma Pieri, componon, ce ustu l'è a bazzilâ? — E vie sgagnint.

Di frut 'o soi restât uârfîn e 'o ai sece scugnûl l'è a cîri. Po-dopo Cecot al m'è a c'apât te sô farie e al m'è a insegnât il mîstîr. Ma 'e je capitate la uere che m'è a puartât per dut il mont, indulâ ch'o 'ndi ai viodudis e zercjadis di ogni fate: e no m'è soi naneje dât di maravêe. Fintre-mai che, dopo agns e agns di presonîr, 'o soi tornât a cjase cul cjâf plen di robis: speranzis, lunaris, plui che altri. 'O m'è jeri metût juste ben a lavorâ, che m'è colâ pe cœce il cuviart de farie. E po' m'è capitâ aneje di fâ un brut salt in tun poz, par colpe de cuarde ch'è jere viere e frujade.

O ai olût instes cjolimi ch'è frutate che ogni sere m'è faseve fâ in biciclete la rive di Altane: une rivite che mai! 'O pensavi tra di me che la storie, dopo dut, 'e podeve aneje gambiâ. Invezzi m'è cjatâ in cjase cum tunc femine che no cognossevi, plene dome di robis gnovis.

— Mate 'o soi stade, a mari-dâmi cun tun clostri come te!

E cussì m'è soi vîsât di v'è tirade intornî un'altre malore.

— Veiso savût? Pieri al s'è sfracajade une man tai dînc' di une machigne. Ce brut câs! — e vie ridint.

— Veiso let sul sfuei? Simpri puar Pieri: ma une brute part, cheste volte. Lui al dîs ch'al è stât un sbalgio; ma si po' nome imaginâsi: sul vagon in corse... Cui sa ce spali, ch'è puare siorute!

E vie indenant, simpri cussì, ch'è pâr une conte da ridi.

Chest unviâr passât, s'impensaiso? Frêt come la glazze, e in cjase m'è nol jere ne fûc ne pan: dome la panarie vuiede e il quadri dal Signôr picjât parsore de puarte. Jo 'o jeri uarît di une influenze e 'o jeri vignût-fûr, lassant a cjase la femine cul mâl di stomi e il frutin paralitic sul cjadrem. 'O jeri jessût a cîri alc.

— Ma Pieri, cun ch'è muse di cadavar...! Va tal jet, va là.

E duc' a rispundimî cussì. Fintre-mai che no ai podût plui risisti e m'è soi mitût a sberghelâ cuintrî di duc' e cuintrî di dut: parcè che, in qualchî mût, 'e veve di finî. Alorè la int si intro-pâ atôr di me.

— Fermail: al è un soversif.

— Che us vegnî un colp, jo no soi ne soversif ne nuje.

— E ce astu alorè che tu sberghis?

— 'O sberli parcè ch'o ai fan: pe fan m'è par ch'è de mè famèe e pe vuestre aneje.

— Cjazaris! Noaltris 'o sin stufts di violenzis... Pieri, ti cognossin: vergogniti, ch'è je ore. E va a vore!

E alorè m'è soi viodût a muse a muse cu la societât di nê... e m'è soi sbrocât cjapant a pugns un di chei siôrs. Ma lo societât si è svindicate: parvie che chel omenat, colant par tiare, al si tajâ cun qualchî crep di veri, e che m'è cjatârin un curtissut di sachete... Al bastâ nome che un tal lu viarzès, par che la colpe di une « agression a man armada » m'è vignis dade di duc'.

— Ce si puedial spietâsi di un omp di chel stamp alî?

E vie in galere. E po' la cause in tribunâl:

— Imputato Pietro Scarpa, feroce aggressore, dal passato torbido ed equivoco... — al disveve il sfuei.

Quan'che duc' a' colârin, stracs di fevelâ, su lis lôr sentis, al jevâ-sû il gno avvocât: un pi-

vel clamât di ufizi... Co' no si â une palanche te sachete, ce si puedial pratindi? Al domandâ par me une sentenze juste e comprensive. E, dopo tre minûz di cjamare di consei, il jûdis al pronunziâ: un an e quatri mês.

E la int, fevelant di sot-vôs, 'e cjatâ la spiegazion di cheste me vitazze:

— Mi pareve che no podeve jessi nome una disdite!

Alan Brusin

## CRODIE SPELADE

Al va atôr pes sagris dai pais, cun tun mandulin scridelât, invuluzzât in tune piezze colôr di pan-tijane. Al jentre tes ostariis, cîdin eîdin, iatropansi cun altris aventôrs, par che l'ustîr m'è vîs di lui. Nol tire-jû mîl il cjapîlat, par no che la int j' viodi ch'è crepe sale, restade prin da l'ore crote di cjavei: par chel nol jentre mai naneje in glesie.

Quan'che la stanzie o la cort da l'ostarie 'e je plene di int, al si tire in tun cjanton, al disvuluze il so argago, al cjape une ande di ispirât e al tache a cjantâ grant a butadis, lis cuardis fûr di istonazion. Al cjante cu la muse alzade, la sbessule in fûr, j' voi siarâz e une vôs clope, che j' pitte tal gargat come une selendare. Di une bande de boeje j' son colâz tre dînc', tant de gramule parsore, che di ch'è sot; e ogni volte ch'al â di dî un « e » o un « d », la lenghe j' sejampe fûr pe base, di sbighêz. Biel ch'al cjante, al misure il timp alant e disbasant un talon, e il zenoli imblecât cum tunc piezze diferente dal vîsît, al va sù e jû in volte, ch'al fâs voe di ridi.

Al cjante lis « ultimis creazioni »:

## Ostariis furlanis

L'ostarie in Friûl 'e je une istituzion, une cjose ch'è a la sô part avonde grande te vite dal furlan. Al baste cialâ cetant puest ch'è cjape te nestre produzion letterarie, massimamentri di un secul in ca. Pieri Zorut al è plen di « Ostariis » e dopo di lui si pò di che nissun, di chei ch'è jan scrit alc, no si è dismenteât di invîdî il letôr a bevi un quart in tun lûc di ch'èst gjenar. Qualchi ostarie come ch'è di Plet, 'e je plui inomenade parvie dai libris che na par merit dal bon vin. Chino Ermacore al è scrit doi libris sul vin e su lis ostariis dal Friûl, e lis â vudis indiment di bot dutis. No sarin se qualchidun al â provât a fâ statistiche sul cont dal numar des ostariis o parizion de popolazion o sul cont dal lôr cunsum a parizion dai gludîdors: ma chestis statistiche no spiegussin nuje. Il furlan, 'e je vere, al è un bon bevedôr, ma la grande vegetazion des frasejs no dipent nome de sêt. In altris lûcs la ostarie 'e je dome une betule e i aventôrs a' son riziôs, cjoche-lis, int cence stime e cence misure; in Friûl duc' i umign, di ogni sete e di ogni cundizion, a son, ce pœc ce trop, aventôrs des ostariis; e lis ostariis a' puedin aneje jessi betulis, ma par solit a' son lûcs une core ben tignûz, cun aredament « mobilis e decorazioni di sest, tantis voltis in stil nostran; e la brature dal ustîr 'e je di tignî simpri qualchi specialitât ch'è tûr l'aventôr; e li si pò cjatâ un miedî, un inzegnâr, un magistâr, un professor, un diretôr di aziendis, un dipulat, un scritôr, un artist, un predi, un omp une core in riste, cence che nissun si dei di maravêe. Si pò aneje cjatâ un cjoc, ma nol è tant facil, parcè che, quan'che un al tache a alzâ la vôs, l'ustîr par solit al spessêe a inviâla pai trois, cu lis buinis o cu lis tristis. In Friûl a' son aneje tantis lis ostariis.

Lo sai che i pappaveri son alti, alti, alti... — o cjantis patriotichis e robe di soldâz. Crodie Spelade al sume e al cjante pe coiarie, no pe int insecelade ch'è je plene di pratesis. S'al ualme qualchidun vîsût di sioret, al si tire lontan e j' volte la schene: al sa che chei a' son bogn dome di ridi in ghigne.

Finit ch'al â di cjantâ, al mei l'imprest sot un braz e al fâs il zir dai taulins cul platut.

Une volte, ch'è jere la sagre dal vin, un tropet di roventût di zità a' vevin sgagnât masse instant ch'al cjantave la « montanara »: al si plantâ parmis, cui voi discolâz e al disê:

— Loro non capiscano la arte musicale!

Un'altre volte, une cubic di invîz j' metêrin tal platut dôs cjantis di cent e j' disêrin di cjantâ ale di nostran, par furlan. Crodie Spelade al spessêe a meti-vie i bez, e po' cum muse serie e nfindude al rispundê:

— I tempi sono gambiati! — e al tornâ a invuluzzâ il strument te piezze cragnûse.

Crisil

## Quistions filologjchis

### "Rei, scellerati e canaglie"

Che dai Rei e dai Scellerati le ai imparade dai defons Pre Antoni Roja di Prât e Benigno Morassi di Curcuvint, che in fat di storie de Cjargne a' la saverin une vore lungje.

I Rei e' jerin a Sudri, come aneje i Scellerati: 'o puès testimonialu aneje jo, che za agn 'o ai podût esaminâ lis cjartis dal archivi di ch'è parochie. Percjât che tal archivi 'e sedi poeje robe e che no si puedi precisâ quant che i Rei o' son diventâz De Reggi, e i Scellerati, Sellenati.

La storie invezzi des Canais le ai imparade dal puar dotôr Mistruz, ch'al sterve daûr une vore a lis cjossis di Venzon, di Glemone e di Cividât. I Canalia o Canalei e' comparissin a Cividât dal Dusinte e un Folcho filio Antonij Canalye mi ricuardi di vèlu incuintrât in protocoli di no-dars dal 1293-1306. Chese Canalia mi disin che stessin di cjase dongje 'l Puint dal Diaul e che li 'e fos une tor par protezi il puint; cussì che, un pœc a la volte e' vignirin clamâz dal Tor (tal. del Torre). Cumò, no son plui Del Torre, ma Della Torre.

### Sû e jû par Marcjativieri

Sot i puartis dal nestri Municipi, indulâ che fin a ch'è altre di 'e jere la buteghe di Rondo, e une volte ch'è di Ledri, parsore di une vetrine si po viodi, in caratars di comedon, cheste scrite:

### TESSVTI

Ore, jo no intint di criticâ la preziositât di chel V in lûc di U, ma dome di lagnâmi dal mût che al è fat il V: sutil de bande zampe, e gruês de bande gjestre; mentri ch'al dovarès sei dut al incontrari e precisamentri come che nus an insegnât i Romans di une volte a come che nus insegnin duc' i fundidors di caratars di stampe scomenzant da Guttemberg. Duncje, ch'al si trati di V o di U, il filel al va simpri a man drete, e no bisugne confondisi cul A, indulâ che il filel al è a man zampe.

'O spiegî la reson: quant che si scrîf l'A majuscûl, si scomenze dal has e a man zampe e si va sù cu la man lize-re; po dopo si ven jû e si frache, paroeche al van ben di fraci; cul V invezzi, si fâs dut il contrari: prime si ven jû e jalejant e po si va sù volant. E la stesse cjosse 'e suet par altris letaris: M, N, X, Y e cet. Il mâl al è che tes scuelis i mestris no si pardin daûr di chestis fûgnis e cussì la jat 'a ti scrîf cemût che ûl (esemplis 'o podin viodint aneje in Marcjativieri e in altris lûcs de nestre metropoli).

Il Municipi al podarès tignî di voli e no permeti ciartis tabelis come cheste « Vic Stringher »:

### COMVNE DI VDINE UFFICIO VIGILI SANITARI

indulâ che duc' i quatri V e' un sbalgjâz; opûr come ch'è che si po viodi in Plazze de blave:

### COMVNE DI VDINE MERCATO DEI FVNGHI

indulâ che dome il prin V al è fat daûr lis regulis.

Però, tratansi di scritis di caratar secundari, la cjosse si podarès aneje lassâ cori. Ma cemût si puedial stâ cidins quan' che inestetizis di ch'èst gjenar si scvazzin aneje su lapidis di marmul, imuradis tal cûr di Udin e destinadis a la storie?

Jo, in proposit, cum pitôrs e cum pichepiers, 'o ai simpri cirût di fâ capi la cjosse: ma, purtrop, 'o viôt che no ûl jentrâ. 'E j' un pœc come la quistion dal « non e cognon »: nissun in di di vè al è bon di firmâsi Meni Marangon, ma si intint di dovê scrivi Marangon Meni. E nissun mai nol dis nuje che propit in Marcjativieri si devî viodi qualchi tabele scrite a la mode ongiarese! Di ch'èst, naturalmentri, 'e j' colpe la seuele, la casarme e la burocrazie.

TITE

al fâs declarazioni patriotichis. La tiarze manifestazon 'e je — par fortune! — la lenghe leade: alorè al bradascje, al barbote, al rute par un pœc e po' al va a finîle in tun cjanton e al duâr. Ma chese a' son spetacui ch'al

pò capitâ di viodi dibot nome tes ultimis betulis, dulâ ch'è plômbin duc' i rifudums e dulâ che il vin al è sporejare di magazzens, robate foreste tignude-sû a fuarze di iposolfiti e di altris pi-strugns.

Pirlî.

Mobii artistics in ogni stîl  
Galantarîs artistichis par regalie

IRENEO DEL FABRO  
BORC DI GLEMONE 68, TEL. 33-58 - UDIN







# L'aghe dapît la Cleve

28 Conto di amôr di D. Virgili

— Sù po, nuvize!...  
Nita 'e fâs voi da ridi. Si ferme un moment. Nuviç! Sô mari 'e jès su la puarte, 'e dis sù:  
— Nituti, al à finit di sunâ!  
Nita 'e ven-jù ejalansi dute in fieste.  
Lis frutatis a' echantin, a' ridin, a' brazzet, ch'a' ejamin dute la strade.

— Guri ti spiete!  
Co Nita 'e fevelare di Guri — « il gno Guri » 'e dis — lôr a' cisichin ben plane:  
— Ce tan' ben ch'a' si vuelin! — e po' a' stan un lamp a pensâ incidinis.

La glesie 'e je sfodrad edî losôrs e rosis: une filie di sutilin al vongole par aiar. Ance Nita 'e veve puartadis lis ultimis rosis dal so zardin di vâs e sidreris.

Sul segrâl i zovins a' spietin, in eja, a' ejamin lis frutatis a' bocje ridint. Set dai fazzolêz a' slusichin voi cimbâz. Guri, imbande, di bessol, cul eja piec su la cope.

Po' 'e scomenz funzion.  
La Madone di Plêf, cu lis strezzutis d'aur sui timplis al par ch'e ridi plui françe in jenfri di tanc' losorûz, tantis rosis, tantis prejeris.

Guri s'impense: il plevan a' binidi par eja, tôr de Pefanie a' Pasche... la storie de Madone... S'al veve timp pre' Jaroni la tornave a' contâ, che due' i Batistons la savevin ad amens.

Nita 'e semeave la Madone piturade daûr l'altâr.

Agnorums indaûr al vignive a' piturâ tal volt de Plêf. In Cente, un pitôr di Cjargne. Zuanfrancesc dal Zuet di Soelêf, cui rizzôs lunc sul cucl e la muse tofule, e al veve cum se un fantazût di Pordenon, Zuantoni.

Zuanfrancesc al lavorave di uaze su lis armaduris par rigjavâ una Madone cui voi lusina e lis strezzutis d'aur sui timplis. Lui la viodeve, denant di sè, come vive, s'al siarave un moment i voi; ma nol jere cûs di tirâl-jù cul pinel sul mûr fresc. Alor al saltave abâs muardinsi lis ains, e al lave a' ejaminâ dilunc da l'aghe.

Il guron lu ualmave cui voi maraveçz, si voltave daûr a' ejalâl e al tornave a' masanâ colôrs cence voc.

A' disevin la int:

— Al eja alôr come svanit... Pitôr po!

Zuanfrancesc al tornave su l'armadure, al eja pave in man il pinel lu tocjave tal colôr... Prove une volte, prove dôs: nuie. La man 'e jere induride cul spargot dal pinel a pendolon...

A' vignivin la int in glesie a' ejalâ, e po' a' disevin difûr: — Al è là, cul pinel in man fêr, cui voi tirâz.

Su la plaze al jere il sfuit cui teia, e lis feminis a' vignivin ad aghe sul por: Zuanfrancesc lis ejalave fassis te muse e lôr a' disbasavin i voi sudizionosis.

Une di al tornâ-jù par dongje dal Luri, di là dai Passadôrs.

L'aghe 'e echantave tal soreli.

Cjantant 'e tornave-sù pal troi propit in chel, une frute di Cleve. Zuan la saludâ. Jê j'rispindê: cui voi lusin, lis strezzutis d'aur sui timplis...

Zuan si fermâ. Al discorê un piezzut e la fissave, la fissave in chel voi, fevelant di Madonis blondis cui voi lâmitis, ch'a' no jerin imò no come jê.

Chê gnot Zuan nol podê siarâ lûs e si remenave su la stuerie plen di smanie.

— Missâr lu mestri, ce vîso? — al disere il frutat dîmôr.

— Chê Madone... chê Madone là... — al rugnave Zuanfrancesc e al segnave tal scûr, cu la muse, une muse di lûs e aur.

Zuantoni garzon al tasê. Tal indoman su l'Avemarie al tornâ a' masanâ colôrs plui di gust.

Zuanfrancesc al montâ su l'armadure e dabâs, jenfri i glons de ciampaze, si sintive dome l'ansemâ grêf de sô passione.

Dopo la int a' disevin:

— Ma pûr no je une muse foreste!...  
La Madone di Plêf 'e jere ferme tai colôr penz e tes linis ingjavadis, a' todese vie, cui voi da ridi e lis strezzutis d'aur sui timplis, par simpri.

Cussî tu, pitôr zovin de mê rocîe, tu fazarâs bie colôrs di tiare furlane, e tu fazarâs la tô muse cul Friul ch'al tarlupe dai voi pinsitôs e al rit di vert e al svolde di celest di marine; tu ti crearâs di colôrs il Friul che ti eja te tal curisin di frut: sanc, tiare, cil... ma plui di dnt la tô anime, pitôr zovin de mê pizzule tiare: jo 'o eja tarâi peraulis dal gno biel furlan!...

X\*

## Pre' Jaroni plevan

Chel predi vieli di campagne che j'plâs la prese di macabe e la partide dajâf dal larin, al semêe dismenteat dal timp: a' à battiadis tre etis, e se Dîu il...

Cumò al vendeme; e il prin rap al è par lui sot dal gloriêt.

Daûr de canoniche al à un filie di braide vidiade e al fâs chel got juste di puartâ-fûr l'unviâr.

A' vendemûr due', cumò, su pai orz e pai ronts, a' echantin di ligrie e d'amôr

'O à mangiât un gran di ve par sciarimî un pòc la vôs e cumò che l'ài sciaride cuei jâ un eja al gno marâs.

Pre' Jaroni al passe fûr pal puartâ da l'arie cui zeis incolmenâz. Sô guezze 'e eja te di prim su pes spaleris, e aneje il predi al è legri e giubiâl: tal foledôr il brantiel su la tae al è rassât, i raps a' eûchin fûr dal orlî.

I plui bie rauez ju à picjâz tór la nape, in eja.

Po' il frutat al fole: lis gjambis come insanganadis, ta chel lasoz di trape.

(E va indenant)

## Libeccio d'Italia

(continua dalla III pagina)

Verrà così in questa estrema landa d'Italia una libeccia di poesia nazara: gli coruttiani della piccola patria capiranno che Zorutti è morto da gran tempo e che dopo il 1867 è passata molta acqua di poesia anche sotto i ponti di Friuli. E' bello e onorevole per Zorutti che siano occorsi i nomi di Ungaretti, Montale ecc. a distruggere le conseguenze del suo peccato poetico.

Ma Zorutti è un'altra cosa — diranno; e noi rispondiamo che no, perché la poesia se è Poesia è unica e universale, sia essa scritta in italiano o in friulano o in eretico: le distinzioni qui han senso politico, e porterebbero a distinzioni di carattere nazionale e nazionalistico, cioè sulla validità poetica delle lingue nazionali. Non si può pretendere di salvare Zorutti definendolo dialettale ammettendo cioè implicitamente l'inferiorità poetica del friulano: sarebbe un "crimine di lesa piccola patria" assolvibile, però, perché consumato sulla base della preterintenzionalità. Ma questo è un altro discorso.

La libeccia italiana, speriamo, aprirà gli occhi a certi ambienti culturali friulani: essa sarà un'accettazione della poesia friulana dei giovani.

E' per questo che ha fatto bene il Comitato di Signore a pregare l'onorevole ecc. ecc.

DINO VIRGILI

## LE CASE DELLA CARNIA

Sono corse recentemente alcune battute polemiche sulla stampa locale, intorno ad un argomento che affiora con puntualità, odiosa ed inconcludente intermittenza: la tutela e conservazione delle caratteristiche urbanistiche e paesaggistiche.

Un sindaco-architetto vorrebbe veder demolite le vecchie case del suo paese per far posto alle costruzioni assolutamente insignificanti, dal lato estetico, che ci fanno sfornare i tanti pseudo-tecnici del nostro tempo. Con ciò si va cancellando fatalmente uno dei non molti aspetti interessanti delle zone che vogliamo qualificare come turistiche, una delle attrattive che possono invogliare, comunque, il forestiero che non cerchi solo, nelle sue gite, una camera a buon prezzo ed una piacevole festa da ballo. In realtà il contrasto ora è fra tradizione e praticità, fra estetica e funzionalità o fra arte ed economia, che non sarebbero termini antitetici né inconciliabili: anzi il problema della loro conciliazione è sempre stato fecondo di geniali risultati e di felici risoluzioni. Si tratta invece di una questione psicologica, e cioè di sordità accompagnata da meschino filisteismo. Il « carniolo » che si vergogna ad usare la sua parlata e che, per debolezza di spirito, dissimula la sua origine montanara, coerentemente sognerà la cancellazione di tutti i lineamenti fisionomici del suo paese, crederà di avvantaggiarsi e dimostrarsi moderno propugnando lo appiattimento d'ogni caratteristica paesana e l'adozione frettolosa di elementi anonimi, comuni ed insapori. Non c'entra qui l'esigenza evolutiva del tempo: c'entra solo l'istinto schimiesco dell'imitazione. Talora c'entra anche l'ignoranza tecnica o l'impotenza del progettista locale che non vuole copiare il vecchio, ma non sa fare del nuovo senza cadere nell'insulso. Ma qualche volta codesto filisteismo arriva persino ad ammantarsi di motivi patriottici: lo esempio urbanistico e paesaggistico perpetrato negli ultimi trent'anni nella Valcanale, allo scopo dichiarato di cancellarne la troppo evidente fisionomia austriaca, è un pietoso esempio.

Giorni addietro, in un congresso degli Ispettori Onorari ai Monumenti ed Antichità, a Roma, un solenne funzionario di « quel paese », parlando di caratteristiche urbanistiche e paesistiche, urlava con gran dimenare di braccia: « Conserviamo il volto della Badria! ». Ma la Patria — e cioè, secondo il pensiero di quel signore, la Nazione — non ha un « volto »: i tratti dell'altopiano pugliese non fanno parte del « volto » della valle padana, le grotte della Calabria non sono il « volto » della Toscana, i campanili a punta di lapis del Tirolo meridionale non appaiono in Umbria. Sono le regioni che hanno un « volto » e spesso più di uno, come avviene da noi in Friuli. Ed è questa varietà, questa molteplicità,

questa ricchezza di aspetti locali, questa incessante novità di forme, che costituisce la maggiore attrattiva, l'oggetto dell'interesse e della curiosità non solo per lo straniero, ma anche per il conazionale d'altra regione. I poveri nostri filistei, lavorando zelantemente a cancellare questi « volti » locali, stanno creando effettivamente un solo volto alla Patria:

ma è il volto più cretinesco, più atono, più impersonale, più inespressivo ed insignificante che si possa immaginare.

AURELIO CANTONI  
Direttore responsabile

Tipografia Arti Grafiche Friulane  
Reg. Trib. Civ. di Udine n. 20, 1-2-49

## Casse di Sparagn di Udin

Fondada tal an 1878

DIREZION GJENERAL E SEDE CENTRAL A UDIN

Borg dal Mont 1 centralin telefonu N. 2641

AGENZIE DI ZITAT N. 1 Borg di Glemene Plazzal Osôf tel. 2681

AGENZIE DI ZITAT N. 2 Borg Volturmo (Marciât des Pomis) tel. 2810

FILIALS: Aquilee, Brugnera, Zervignan, Cistierne, Cividât, Codroip, Latisana, Maniâ, Mortean, Palma, Pordenon, Sacil, S. Denel (Friul), S. Vit al Tiniment, Tiumiez.

Patrimoni Fres 142.450.000. Dât in beneficenze tal ultins 3 agnos  
Fes. 58.013.771

Estrat de situazion ai 31 dezembar 1951 - Esercizi 76-

ATIF		PASSIF	
Casse	Fes 412.507.816	Dipuesiz a spargn	Fes 4.564.855.901
Titul di proprietât	1.227.674.292	C/C di corrispuendenze cul client	922.328.155
Partecipazions	13.374.279	C/C di corrispuendenze cul azieda di Credit	142.883.695
Spurtefueis	1.219.304.933	Font di previdenze pal personâl	366.393.748
Anticipazions	10.465.250	Debiz diviers	344.558.515
C/C di corrispuendenze cul client	1.109.428.486	Esatorie, Rizeviorie Provincîal e Tesorarie	984.580.849
C/C di corrispuendenze cul azieda di Credit	793.848.127	Total dal passif	Fes 7.325.658.663
Prestis su impugnos	32.547.093	Patrimoni	128.982.009
Prestis su cessiona stimpis	106.342.567		Fes 7.454.640.673
Credis cul Ene Publicis	1.082.742.763	Riscont dal atif	16.179.505
Mutuee impoteca-rie	58.427.068	Rigjavâl net dal e-sercizi	19.239.498
Mobil	1		Fes 7.490.081.638
Imobil	100.200.000	Conz di ordin	12.824.097.518
Rateos atfis	27.070.234		Fes 20.314.179.184
Credit diviers	171.630.908	Total gjeneral	Fes 20.314.179.184
Valors investiz pal fmi di Previdenze dal personâl	245.947.562		
Esatorie, Rizeviorie Provincîal e Tesorarie	878.250.264		
Total al atif	Fes 7.490.081.666		
Conz di ordin	12.824.097.518		
Total gjeneral	Fes 20.314.179.184		

Il Diretôr Gjeneral  
Dr. Giuseppe Segala

Il President  
Av. Mario Livi

Il Razônir Capo  
Raz. Rieo Pilosio

## "La Furlane"

CJALZIS E MAIS E

LANE

DI FIDUCIE

Udin - PLAZZE dal Polam



FILIALE

di UDINE

PIAZZA MATTEOTTI 9

Tel. 61-04

## Oficinis BON E.

Borg de Pueste 17 interno (Vie Vitorio Venit interno 17) Telefon 2898

UDIN

Riparazions motôrs eletrics  
IMPLANZ ELETRICS INDUSTRIAI

PAR BARS - RISTAVURANZ - LOCANDIS  
FURNIDURIS COMPLETIS

"VITRUM"

la de

DI M. MARTINI

(PLAZZE S. JACUN - UDIN)